

中國方志叢書·華北地方·第五五五號

據

民國·桑丹桂修，陳國棟纂
民國二十四年石印本

影印

甘肅省

隆德縣志

(全)

成文出版社有限公司印行

中華民國六十五年 月臺一版

隆德縣志

全 冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

中華民國十八年六月開始編輯
二十四年十一月告成付印

隆德縣志

隆德雒文麟題

民國乙亥年冬月
涼平文興元書局印

重修隆德縣志序

同慶自生德天文炳煥山峙水流地文昭垂記不先實書足徵憲則國體人事既郁郁乎可觀復彬彬然足貴此邑乘之所以與國史並列也特地方有完善與殘破之殊情記述有簡略與詳悉之異規耳余甲戌冬殘程篆隆城蒞任之始感念時艱採風問俗披夏剝弊每嘆日不暇給公退鳴琴思與此地人士設討典章文物但自覺破爛山縣災害交困救免不贍治禮奚暇雖有志於徵文考獻究難深得我心所幸八單又勤友事賢不乏人之武城而聞絃歌雅足瞻化詢及縣志一節有以邑學博陳國棟維文麟張涵等纂編隆志稿本進者披覽一過不勝色喜藉知盤山好水之土壤曲蘖廉汪之戰績與夫官宰職司忠孝名節物產田賦迨里山川靡不釐然在目但筆寫底冊未經整理因茲既缺破損者有之葉是可慮也然亦可存也念不任承

之茲土深幸民風敦樸士習端嚴農氓安於野商賈出其途教育普於鄉是皆經前
宰官作事認真誘掖獎勵無分或漢或回咸使之自由於法度之中不出範圍之外
以故人有固志政以美成今之邪洛猶是古之邪洛亦可想見茲地風氣之厚矣余
聞前宰程農初先生題縣署楹聯曰地瘠民真苦泉清冰尚甜隆邑民情土風雨語
盡之然而斯意也斯事也於縣志一書寓之應將此稿即付印刷以備掌故允屬一
邑文獻之徵若慮及工資之費前令既有籌備兩紳庶亦應念其熱心也獨余蒞隆
半年日勞困於汽路保甲之紛務於縣志一節未獲細加校訂茲當鉛槧告竣之際
僅標片紙題辭以卸監督重負亦深屬一大憾事也夫

現任隆德縣長狄道林培霖撰

中華民國二十四年五月 日

隆德縣志叙略

方志與史成互為經緯吾國舊著寧數其膾炙人口者若康對山之武功縣志尚已
清季吳掣甫撰深州風土記尤稱一時傑構此外縣各有志顧以著者學識不侔體
例各異雖工拙不同要之亦足備采風者之甄考為一邑之文獻焉不吝於民國二
十二年冬權隆德縣篆下車之始即索閱縣志不可得既而辟邑紳雒君象屏為佐
治員象屏謂其友陳君槐山曾於往歲編有初稿藏弃有年乃亟取而觀之抄成凡
四卷赫蹠脆薄色且黝然變矣陳君為清末明經好讀書不求聞達遂介象屏以見
之鬚鬢鬢清癯叟也余以此禍胡不印行叩之陳君謂兵燹後檔案多佚遺故中多
闕略且未經就正於方闢君子何敢出以示人貽譏固陋余媿不學未能於陳君有
所匡助然以此本既不堪久藏而僅存孤本尤慮飽蠹魚而就湮沒爰力促陳君再

事斟酌先付印存以俟後來君子之輯補修改焉可已邑人咸以余意為然乃籌資付諸手民工既竣請余弁諸簡端余固不文乃粗記其緣起於此

隆德縣縣長劉相炳題

中華民國二十三年十二月 日

新修隆德縣志序

隆德設縣自金改道於元歷史最短故宋以前無事可述又金時隸於靜甯元世有莊浪路之建設隆邑彈丸黑子僻在西北幾為兩縣附屬地再驅以用夷變夏之風故金元之世雖記弗詳唐末謂州陷吐藩權於平涼置涇州後唐清泰三年以故平涼之安國耀武兩鎮置平涼縣宋初六盤山前後設七關之險置隆德靜邊瓦亭塞接應蕭關自韓琦議建德順軍以來始駐重兵而隆德之歷史從此粗有可談要亦稱閭之旭光耳嘗披舊隆志惟明代官司人物尚屬完備自清時知縣常星景於順治初重修後至今無有提議及者遂致二百多年掌故無稽光緒中郡貢生張蔚豐邑貢生薛拔英採集同光間五貢畧得數十人續錄志尾以故今日編修新志尚獲見遺民姓字然湮沒者亦不少矣現在吾隆幾經兵燹檔案無存舊存之兩本縣志

又復缺失僅於破紙篋中搜獲官職人物一冊諸君子議及重修誠慮述無可述作不敢作信又孰信好亦何好惟有自我作古已耳况以余之淺學而亦參加於其間乎嗟呼時變至今日趨華靡段風東漸文化愈新奇貨之一傳單戲場之一演詞動至千萬言是以從前志乘筆墨貴簡今後書記文字尚繁所謂深言之不足以顯者而淺言之文言之不能以明者而俗言之蓋自大眾語興起而淺陋之譏吾之勉矣茲編材料來自新採典故徵諸舊聞條例參以規定編輯等於創獲然則籌資付印非敢出而問世也不過藏之政府以備一邑之文獻云爾

陸德縣政府第一科科長邑人雒文麟撰

中華民國二十四年 月 日

重修隆德縣志序

縣之有志猶國之有史國無史則晦盲否塞日月鞠光縣無志則鄙野冥蒙山川減色家乘猶然刻在縣志昔黃帝登瑩桐北望祖厲指今靖遠吾隆轄境西北袤長直達黃河岸即群牧所故地祖厲殆隆靖之統稱謂山川祖厲也自金鞏縣於今千百年先有羊牧隆城後移六盤山麓最爾一片土而天光臨於上地質具於下人文鬱於中三才備焉自我遠祖以來居住衣食咸在於是為後人者能不撫桑梓而深愛惜之心則披輿圖稽掌故即一山一水一草一木均宜識之弗能忘而政教之良窳風俗之厚薄民生之榮苦疆之沿革以及世界之潮流社會之背景皆因文獻以表見於世此志之所以足貴也奈隆縣舊志從前視為完璧者現在猶多缺點以云重修又乏淹通吾等襍線之材敢學製美錦以縫天衣乎韓愈石鼓歌曰少陵無人謫

仙死才蒞將奈石鼓何同茲浩嘆抑余又有言者駑馬舉步必待鞭策現在稿底係
民國十八年桑縣長丹桂任內奉省通志館督催採訪省志材料而來嗣此前賢宰
閩君培毅細加磨勘以表贊成之心後神君劉相弼多方籌款以為印刷之資而陳
君國棟雄君玉麟董君達士張君涵卜君永吉王君承烈薛君冠英王君繼文與亡
故王君文熙及我家君蘭軒公以地方人辦地方事各負責任盡義務或採訪或編
輯不過操幾管秃筆獲成千秋盛業亦何幸歟况新任縣長林培霖下車伊始詢教
育徵文獻即以文翁詩書化蜀郡自期再三推促付梓佇觀成書以斯邑之荒陋得此
數君子者樂成美而許可焉我輩親炙之下應知野有清風邑有甘雨堂有愛日庭
有肅霜此邑乘所以載名宦著循卓也而雖善無徵無徵不信及夫政教禮俗鄉土
人物一切闕如弗具憾矣如之誠有簡策可備查閱則庶朝之隸屬區劃之大小人

村之多寡社會之良否風俗之美惡戶口之增減物產之盈絀以及山林川澤之利
益名勝古蹟之重要燦然在目必不至數典忘祖文獻無稽有光鄰縣可對上峯庶
吾隆黎獻陸沉之謂士子聰瞽之譏其亦免矣若以茲志之編修而慮及學識淺陋
筆墨繁蕪遺笑大方諒不能避要亦不必避爾

隆德縣教育局局長趙文重撰

中華民國二十四年二月初五日

隱存善六

卷一

五

隆德縣志梓成題字

國史備考徵

朱紹良



民國乙亥夏
琴石書

龍 淵 鐘 鏗 子 子 子 子

范振緒題

